



Synfocity = 886

mail us at : mzsinfo@gmail.com; mizoramsynod@gmail.com - Phone - 2314648

April 27, 2023

□ Missionary Training College (MTC)-in Graduation Day an hmang

April 25, 2023 (Thawhlehi) khan Missionary Training College (MTC) chuan B.Miss. zir zo mi 16 te thlahna hun (Graduation Day) vawi 11-na, Golden Jubilee Hall, Mission Vengthlang Kohhranah an hmang.

Programme hi chawhnu dar 2:00-ah tanin Rev. Dr. C. Lalramchhana, Principal, MTC-in a kaihruai a, Synod Moderator Rev. Dr. C. Chawngghminglian Graduation Day thuchah a sawi a, College Magazine thar a tlangzarh bawk. Rev. C. Zoramawia, Senior Executive Secretary-in zir chhuakte hnenah Certificate a hlan a, Synod Mission Board Secretary, Rev. R. Lalhmingsangan Graduate tharte Pathian hnena hlanna hun a hman hnuin Mizoram Synod Secretary, Upa B. Lalmunlian tanwngtaisakna hun a hmang a. Rev. V.L. Luaia Hranleh, Executive Secretary-in zirlai ti thate hnenah lawmman a hlan a ni.

Tun tumah hian zirlai ti tha lawmman (College Awards 2023) hetiang hian hlan a ni :

- | | |
|---|--|
| 1) R. Dala Award for Biblical Studies | - Lalrinfeli |
| 2) Rohmingthangi Award for Theological Studies | - Ruthi Ngaibiakhawih |
| 3) Tirhkoh Chhingtei Award for Mission & Historical Studies | - Lalngaihsaki |
| 4) M. Suaka Award for Religious and Cultural Studies | - Lalrinfeli |
| 5) Tirhkoh Thangzawna Award for Christian Ministry | - Esther Laldingngheti leh
S. Vanlallianmawii |
| 6) Rev. Dr. Lalsawma Award for Language Studies | - Esther Laldingngheti |
| 7) Lalbiakchhungi Award for Academic Excellence | - Lalngaihsaki & Lalrinfeli |
| 8) Robuanga Award for Best Outgoing Student | - K. Lalbiaksanga |

Missionary Training College hi kum 1978 khan Missionary Training Department tiin Aizawl Theological College-ah bul tan a ni a. Missionary Training Centre tia hun eng emaw chen a hranga a awm hnuin kum 2007 Synod chuan College-a hlan kai a remti a, Synod thurel angin June 4, 2010 khan Missionary Training College (MTC) chu a lo piang ta a, Senate of Serampore College hnuiaia B.Miss zirna hmasa ber a ni. MTC-ah hian B.Miss zirna bakah missionary training chi hrang hrang neihpui thin a ni bawk.

□ Synod Mission Board

◆ Ramthar Campaign

April 30, 2023 (Pathianni) zan hian Ramthar Campaign nei turin Ramhlun Vengthlang Kohhranah Rev. R. Lalhmingsanga, Secretary, Synod Mission Board a kal ang.

◆ Masihi Sangati Awareness Campaign

April 30, 2023 (Pathianni) zan hian Masihi Sangati Awareness Campaign nei turin Synod Mission Board Office-a thawkte hetiang hian an chhuak ang-

- | | |
|--------------------------------|---|
| 1. Saikhamakawn Kohhran | - Upa Lalthahluna Ralte, Coordinator leh
Aizawl West II Masihi Sangati zaipawl |
| 2. Ramhlun East Kohhran | - Pu T. Lalchhuangliana, Supervisor of Schools leh
Republic Kohhran Masihi Sangati zaipawl |
| 3. Tuithiang Veng Kohhran | - Pu B. Lalringliana, Mission Promoter leh
Aizawl Chhimthlang Area Masihi Sangati Zaipawl |
| 4. Kulikawn Vengthlang Kohhran | - Pu K. Laldawngliana, Mission Promoter leh
Dawrpui Vengthar Masihi Sangati Zaipawl |

◆ Jharkhand Mission Field

April 22, 2023 (Inrinni) khan member thar pasarih an awm belh a, April 23, 2023 (Pathianni) khan member thar 9 an awm belh a, Friends Missionary Prayer Band (FMPB) atangin kan Kohhranah mi pali an inpe bawk.

◆ **Arunachal & Assam Mission Field (West)**

April 23, 2023 (Pathianni) khan member thar pathum an awm belh.

◆ **Assam Mission Field**

April 23, 2023 (Pathianni) khan member thar pakhat a awm belh.

□ **Presbyterian Bible School (PBS) Farewell & Dedication vawi 54-na**

April 26, 2023 (Nilaini) khan Presbyterian Bible School (PBS) chuan Batch 54-na pualin Farewell and Dedication Programme, Pi Zaii Hall, Synod Conference Centre-ah an hmang.

Programme hi Rev. Lalrinsanga, Principal-in a kaihrui a, Synod Moderator Rev. Dr. C. Chawngminglian zir chhuakte hnenah Certificate hlanin thuchah a sawi a, zirlai exam-a ti tha te leh class kal kimte hnenah Rev. P.B. Mankima, Synod Secretary (Jr)-in lawmman a hlan a, Pu C. Awithanga Award chu Upa B. Lalmunliana, Synod Secretary-in a hlan bawk.

PBS-ah hian a din tirh atangin tun thleng hian zirlai 2591 an awm tawh a, chung zinga 2195 ten tha takin an pass tawh a. Tuna batch 54-naah hian zirlai 29 awmin zirlai 26 ten tha takin an pass a, exam lo 2 an awm.

Exam-a ti tha zual pathumte hnenah lawmman Rs.1000/-, Rs.700/-, Rs.500/- leh lawmpuina thuziak PBS Committee hminga hlan a ni a, chungte chu:-

1-na - Cordilia Vanlalmangaihi, d/o H. Vanlalringa, Mission Vengthlang Kohhran

2-na - C. Lalhruiatluanga, s/o C. Lalpianglawma, Hnahthial Kohhran

3-na - D. Lalsangpuia, s/o H. Lalthlanthanga, Khawzawl Vengthar Kohhran

Batch 54-na zirlai zingah hian class kal kim mi 4 an awm a, lawmman Rs. 500/- theuh hlan an ni.

Kum 2014 atangin Christian Theology Subject leh Kohhran Inrelbawlina leh PCI Constitution Subject-a ti tha berte hnenah Pu C. Awithanga Award hlan thin a ni a. Kumin hian Christian Theology-ah C. Lalhruiatluanga (86%) leh Kohhran Inrelbawlina leh PCI Constitution-ah C. Zomuanpuia (96%) ten he Award hi an dawng a ni. Award hian ₹ 1000/- a keng tel a ni.

□ **KTP**

April 25, 2023 (Thawhlehi) chawhnu dar 2:00 khan Central KTP Committee, Synod Committee Room No 1-ah neih a ni. Bial leh Branch programme-a hruaitute sawmna, Synod Choir Zai tura sawmna bakah hengte hi ngaihtuah a ni.

1. 2024 KTP General Conference, Ngopa-a neih tur programme ruahman thlir ho.

2. 2024 KTP General Conference Hlabu atana ruahmanna thlir ho.

3. General Conference Diamond Jubilee lawmna programme thlir ho.

4. KTP Rorel Inkhawm vawi 10-na Zemabawk Kohhrana neihin Ruihhlo ti mekte chhanchhuah leh la ti lote an fihlim zel theihna tura Central KTP in hma la tura a tih bawhzuina.

5. Mizoram MLA General Election 2023 leh ram tana tawngtai rual chhungchanga ruahmanna thlir ho.

6. Kumpuan 2024-2025 atana ruahmanna thlir ho.

7. April ni 28-30, 2023 chhunga PYF 24th Biennial Conference, Champhai Vengthlang Kohhrana neih turah KTP atanga palaite kal dan tur ruahman.

8. NEICCYA Biennial Assembly, May 19-21, 2023 chhunga Durtlang Kohhrana neih tura a thlengtu Durtlang Kohhran nena inkawm ho.

□ **Worship**

April 26-28, 2023 chhung hian Sangau Kohhranah Music Training neihpuin Pu H. Lalrinmawia, Senior Music Instructor leh Pu B.C. Lalrintluanga, Keyboardist te an kal.

□ **Social Front**

◆ April 26, 2023 (Nilaini) khan Synod Social Front Executive Committee an thu khawm a. Ramngaw, nungcha leh tui hna chak zawka humhalh chungchang te, Corruption do leh a kaihnawih chungchanga hmalak dan tur te an thu ngaihtuah zingah a tel a. Ruahmanna an siamte hi Committee sang zawka la thlen chhoh tur a ni ang.

◆ April 29&30, 2023 hian Bungtlang South Bial, Tuithumhna Bial leh Hmawngbu Bialah te Political Education Campaign nei turin Campaigner-te Rev. Dr. Lawmsanga, Upa Zohmangaiha leh Upa Dr. Lalrochhuanga te an kal ang.

☐ **Kohhran Hmeichhia**

April 29, 2023 (Inrinni) hian Durtlang Kohhranah Leadership Training neihpui turin Pi Lalmuanzuali, Asst. Secretary leh Pi Tlangthanpari, committee member te an kal ang.

☐ **MSSU**

◆ April 27, 2023 (Ningani) zan hian Zotlang Kohhranah Sunday School zirtirtu training neihpui turin Upa K. Zoremsanga, Trainer a kal ang.

◆ April 29, 2023 (Inrinni) hian Kohhran hrang hrangah Sunday School zirtirtu training neihpui turin hetiang hian an chhuak ang.

Chaltlang Kohhranah - NI. Agnes Lalrinzuali, Asst. Coordinator
Upa Hrilthansanga, Trainer
Upa Danny Lalremmawia, Trainer

Ramhlun East Kohhran - Pu Lalhmunzauva Tlau, Asst. Coordinator
Upa Lalthanchhunga, Trainer
Upa C. Lalnunzira, Trainer

Khatla East Kohhran - Upa Lalrosanga Kawlni, Trainer
Upa C. Lalbiaksanga, Trainer
Upa H. Lalremruata, Trainer

◆ May 3-4, 2023 chung hian Aizawl Theological College-ah Bial Sunday School Ziaktu ruat tharte tan Biennial Secretarial Training buatsaih a ni ang.

☐ **Presbyterian English School (PES)**

Kum 2022 - 2023 chungah Presbyterian English School (PES) hrang hranga zirlai leh thawktu dinhmun hetiang hi a ni:

PES zat - 157
Zirtirtu zat - 1825
Thawktu dang - 111
Zirlai awm zat - 33,036

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Aizawl District-a TB	Damlo	10	₹ 84,000/-
2.	Tlungvel Vengthar	In kang	4	₹ 59,000/-
3.	Tlungvel	In kang	3	₹ 40,000/-
4.	Mauchar Biak In	Ceiling chhia siam nan		₹ 30,000/-
5.	Sairang Dinthar	In chhia	1	₹ 10,000/-
6.	Mauchar	Damlo	1	₹ 10,000/-
7.	Zohmun	In chhia	1	₹ 8,000/-
8.	Tinghmun	In chhia	3	₹ 24,000/-
Belh khawm				₹ 2,65,000/-

April 24, 2023 (Thawhtanni) khan rialin in a tihchhiat, chungkaw 216 te hnenah a hnuaia mi ang hian Synod Relief Fund pek a ni bawk.

1. Chhippui khua, In 32 ₹ 3,28,000/-
2. Kawnmawi khua, In 37 ₹ 4,21,000/-
3. Lallen khua, In 100 ₹ 12,05,000/-
4. Chungtlang khua, In 47 ₹ 4,13,000/-
Belh khawm ₹ 23,67,000/-

Tanpuina hlan hian Synod puipate Rev. P.C Pachhunga leh Rev. P.B. Mankima te bakah Office atangin Upa David Lalnunfela, Pu R. Lalbiakdika, Pu V. Lalenzama leh Pu Lalduhsanga te an kal.

☐ **FM Zoawi - Aizawl & Lunglei : Hruaina Eng Radio Programme**

April 28, 2023 (Zirtawpni) @ 7:30 p.m. :

Solo : Felina Lalremruati - Chatuan lungpui, **Zaipawl** : Bawngkawn Bial Zaipawl - Ka tlinna Lalpa, **Thusawi** : Rev. K. Lalpiangthara - Lungawina kim, **Solo** : H. Lalmuankimi - Isuan ro a rel e, **Zaipawl** : Bawngkawn Bial Zaipawl - Hmangaihna tawp khawk

- ☐ **Susamachar Prasaran Programme :**
April 30, 2022 (Pathianni) 5:30 pm. :
Group/Choir/Solo : R. Jydiel - Kaise Pukaru Masiha
Group/Choir/Solo : Kawngkharmawii - Joganiya
Testimony : Mr. Ghana Handiqoi
Group/Choir/Solo : Durtlang Kohhran Masihi Sangati - Sabalai
Group/Choir/Solo : Eli Varte - Sonpapi
- ☐ **Hruaina Eng TV Programme**
27.4.2023 (Ningani) 8:30 pm : Zir bingna - L.V. Lalthantluanga - Internet Media
28.4.2023 (Zirtawpni) 5:00 pm : Kristian Naupang Pual
29.4.2023 (Inrinni) 5:30 pm : Puitling Sunday School Zirlai
8:30 pm : Rimawi huang
30.4.2023 (Pathianni) 8:00 am : Weekly Round Up
5:30 pm : Su Samachar
1.5.2023 (Thawhṭanni) 8:30 pm : Hruaina Eng Luang Chhuak
2.5.2023 (Thawhlejni) 8:30 pm : Nilai Zan thupui zir ho - Synod Theological Education Board
- ☐ **Moderator leh Executive Secretary-te Programme:**
Rev. Dr. C. Chawngmingliana : Moderator
April 28-30, 2023 Phuaibuang Bial - Chawhma - Phuaibuang Vengthar Kohhran
 Chawhnu - N.E. Tlangnuam Kohhran
 Zan - Phuaibuang Kohhran
- May 2, 2023 Pay Commission Committee
 May 3, 2023 Synod Mission Board
 May 4, 2023 Trust committee
- Rev. C. Zoramawia : Senior Executive Secretary**
 May 2, 2023 Pay Commission Committee
 May 3, 2023 Synod Mission Board
 May 4, 2023 Trust committee
- Rev. V.L. Luaia Hranleh : Executive Secretary**
 May 1, 2023 Hospital Consultative Committee
 May 3, 2023 MSSU Secretarial Training
 May 4, 2023 Finance Managing committee leh Trust committee
- Rev. Dr. K. Lallawmzuala : Executive Secretary**
April 15-May 8, 2023 Taiwan, Cambodia, Singapore leh S. Korea
 - Mission Partnership Programme

HRIATTIRNA

Pawl XI leh XII zir tur, kum 2023-2024 session atan Presbyterian Hmeichhe Hostel, Kulikawna awm duh tan May 12, 2023 thleng dil theih a ni a. Dilna form hi Synod Office 1st Floor-ah te, Warden, Presbyterian Hmeichhe Hostel, Kulikawna leh Missionary Training College, Mission Vengthlangah te lak theih a ni.

Interview : May 16, 2023 (Thawhlejni) dar 10:00 a.m
 A hmun : Synod Committee Room No. 1 (Synod Office)

Sd/-
 Rev. V.L. Luaia Hranleh
 Executive Secretary
 i/c Hmeichhe Hostel

ADVERTISEMENT

Synod Multipurpose Training Centre (SMTC)-ah 2023 session hnihna atan a hnuaiia Vocational training trade hrang tarlante hi a dil theih e.

<i>S/N</i>	<i>Trade</i>	<i>Course rei zawng</i>	<i>Seat awm zat</i>
1.	Diploma in Computer Application (DCA)	Thla 6 (July-Dec.)	24
2.	Beauty Culture	Thla 6 (July-Dec.)	6
3.	Mobile repairing	Thla 6 (July-Dec.)	6
4.	Electric wiring & Repairing	Thla 6 (July-Dec.)	6

Hriattur pawimawhte:

1. Dilna hi ni 26 May, 2023 aia tlai lovah SMTC Office-ah thehluh tur a ni.
2. Dilnaah hian Kohhran lehkhah thil tel ngei tur a ni.
3. Interview hun : Ni 31 May, 2023 (Nilaini) 10:30 a.m
4. Interview-na hmun : SMTC, Mission Vengthlang
5. Class tan hun : 3 July, 2023 (Thawhtanni)

Aizawl khaw pawna awm, mamawh zual bikte tan Hostel a awm ang.

Sd/-

Rev. V.L. Luaia Hranleh
Executive Secretary
i/c SMTC

CEMENT MISTIRI ZIR DUH TANA HRIATTIRNA

Synod Social Front chuan eizawna nei loten eizawna an neih theih nan leh Cement Mistiri lama kan lo intodelh theih nan 15 May - 14 June, 2023 (Thla khat) chung atan Cement Mistiri training a buatsaih leh dawn a. Dil duhte chuan a hnuaiia phone number tarlanah te hian zawhfiah theih a ni a. Dil duhte hnenah whatsapp-in dilna form thawn an ni ang.

Hriat lawk turte-

1. Synod Conference Centre-ah riah luh tur a ni ang.
2. May 12, 2023 (Zirtawpni) chawhnu dar 2-ah interview tur a ni ang.
3. Training chhuakte tan mistiri hmanrua (basic tools) pek an ni ang.
4. Trainee-te chu an ei leh in tumsak an ni ang a, DA pek an ni lo ang.
5. Dilnaah Kohhran lehkhah thil tel a ngai bawh ang.

Sd/-

Rev. V.L. Luaia Hranleh
Executive Secretary
i/c Synod Social Front